

BAMILÉKÉ - "Who will deliver me?"


WE Z'A NSI TSHU' ÀM À ?

A lo be mo' sondé me nke ntswite nkùn mebwo ntùm mo' tañla' Lessouto. Mfen yen ngô là lo pe bwe mbà màbwengub, nzwi i, Tà' bwôn penntùn kùmte nke nju' ntshob Nsi. Ntshob mi a pe ntùn, mbèn ngù neta mbèn nke ntshuag ntshua ntoki z'a num ntshuag njam paa là tshònte ntsho tà ntùm ntù ghaju'nu àm.

Ndùse me nà' nke ntshob Nu Nsi là, màbwengub mfen to'te nke ndàn neshu. Ntsenyà nke nké num nge' mi, a lo nsi nkwa' ntshob ndù: "We z'a nsi tshu' àm à?" Netsho'o! bin ywimt'àm, ntù àm tshwèt nja àm kwà' neshu, me b'a ta' ngayenng'e' mbèn mb'a pu vùkob. We z'a ku'ni ne ywimt'àm à? We z'a nsi sô àm ndà kwàn nukebwô li à?

Ke z'a bwô ndù me ghù à? Njôn zin fa lèn àm. Me b'a màbwengub mfen mbèn mb'a ta' mènzwì nke ntshà'te Nsi. Me nèn ndà-Nsi num ngu'njù nambbàa (20), là yen nà ke' ywimt'àm mo' ju. A ke' ku'ni ne ghù ndù me tswe yàm tu. Nukebwô lat num àm. Me b'a tà' ngazwimèn mbèn mbe tà' ngabumndu'. Mbu màm sagte mbèn njàb nge' nummbe mbu màm na bia z'a pe ndu' kebwô là. Nukebwô kut

WE Z'A NSI TSHU' ÀM À ?



"Mèntùn z'a pe ngù nukebwô là fe a satan." (1 Yohané 3:8).

mbu mà m poa nku mà m. Me b'a tà' ngandatsha ntùm ndà-mbwôge.

A bèn nke ndàn mo' yôn i nke ntshañni, nkwa' ntshob ndù: "bin ywimt'àm, bin ywimt'àm! We z'a nsi tshu' àm à? we z'a nsi keb nkù nukebwô num àm ngù me tswe yàm tu à? Me num nkô Tshùaben Nsi, là nukebwô tshwèt ntô àm mbèn nke ndo' àm mbèn yi nsi, nke nsôn àm nèn yi ndà-mbwôge. Me zwi mènshum àm z'a pe tuswe àm nà. Me nà' bum ndu' nduse me nà' nkel i njam mfèn àm nà. Ndu' shùmt'àm me vù nsi njañte wul àm num tshà'a, nto tu me nshum àm ze tanjôn, a kwù. Netsho'o pin ywimt'àm, bin kwé àm bu yen vù li. Nsi pàmà tshàm poa Nsi pàtà tshàm ke' ywimt'àm. Nu Nsi ke ne mbèn njwimt'àm. We z'a nsi se' ywimt'àm à? We z'a nsi tshu' àm à?" Me lo bunte yi ndù: "Fite pe wù, kà bèn ne làne! Njôn pàntùmnyù fa p'a pe ntùm lèn tsho tshualèt. Ñwà'ni Nsi num mbunte nu num nkwa' mi a ko' ntù o là. Ñwà'ni pàromà 7:15 nkum 25 num nsôn yag mbà nukebwô pe ntô njôn yag fa là, mbèn nsôn yag mènntùn z'a num nkwa' yag pu vù là. "Me lèn ndù numebwô ke' pe tswe num àm (yen nà p'a ndù ntùm mbàb wul àm). Nekô ne ghù numebwô num num àm, là ne ghù a bumte ke' pe me. Numbe me ke' pe ghù numebwô ze me num nkô là; là, me ke ngù à nukebwô ze me ke' kô là." "Nukebwô z'a pe ntswe num àm nà num nke ntènte àm mpe me ghù nukebwô njôn ngelañ fa, me ke ku'ni ne ghù numebwô ze me kô ne ghù là." "Me num ntsiañte num ntshù' Nsi kwà' ntùm ntù àm, là ntùm nkam wut mà m me yen mo' ntshù' z'a tshwèt mà' ntsho po ntshù' zenu àm, ngù me tù' ngandatsha pu ntshù' nukebwô z'a pe ntùm nkam wut mà m nà." Ke ndônno lo, ke mbà ndù mà njam no, men nkwa' li nsi ko' mà ntùm ntù mbà zit mènntùn no. "Njennge' mènntùn mbà me là! We z'a nsi kwé àm pu yen wut vù li à?" A pe ze pag à pin kwà' ntsiañ Nsi là, mb'a nsi bunte pag pèn tshu' yage.

MBÛNTENU

"Ghamte pe Nsi njam Yésu Kristô Tshùaben pen." Pàromà 7:25.


"A ndùlâlà, a pe ze Mèn ghù pin tù' zin tu là, mbà pin nsi tswe kwà' zin tu."

Yohané 8:36.

Yésu num mbunte njôn nu fa tse pag à pin num mbèt'té là. Mbüntenu ju ze pin bète là li: "Yôg ke mo' mèn wà numbe tun pam kamanyam, mo' lèn mèn wà ke bwe se po nà' mfà penntùn ndù pe tshùà bwe nse' njôg là." (Mfa' Ghantum 4:12). Ndà' Yésu tù' i bèn nku'ni ne yôg yag num nukebwô tshage. Ndà' lem tse ts'a fette num fantà'tù là bèn nku'ni ne lànte yag num nukebwô tshage. Sàm dôktà, sàm fu, sàm ngaka, sàm mènntùn, sàm ngatshob Nu Nsi, ke nkam-Nsi lo, sàm ndà Nsi ke' ku'ni ne yôg zin num nukebwô. Ndà' Yésu tù' i, z'a pe Mèn njumbwe Nsi z'a ket nukebwô nyù là bèn nku'ni ne yôg zine ntshùà num lem tse mbà num neta ywèt tse tse nelàne.

Yésu z'a pe Mèn Nsi là lo se' ntùm yen nyù li num ne "ghà' myag bàmfù-myag, ngù bàkwàn tum ndàtsha, ngù pen bo num ntswe ntùm njame nà tum ntùm ntô."

(Esaya 42:6,7). Yésu tshob ndù “Mbà we lo z’a ghù nukebwò là, p’a nkwan nukebwò. Là nkwan ke’ be ghò ntùm ndà yôn ntshù’; mèn num ngò bwe yôn ntshù’. A ndùlilà, a pe ze Mèn ghù pin tù’ zin tu là, mbà pin nsi tse kwà’ zin tu.” (Yohané 8:34-36). Yésu p’a nu nenùn z’a num ngù mènntùn tse ze tu là. Yésu z’a pe Mèn Nsi là lo ket njôn nukebwò tshag fa num i num fantà’tù. A lo kwimte nukebwò tsin num fantà’tù. “Mbe be ndùlilà ndù a nkel a tse ben nge’, a b’a tse ben ntobni là ts’a ket tu i là, Bo nà’ mbe’t’é a num nukebwò ben, mbe’t’é a num mfànnu ben. Be be ghù fite ndù ze ben nevù ntsha tsho a tu i. A b’a ntshu mfañ tse bèn ngù kà be njate.” (Esaya 53:3-7).



“A pe ze Mèn ghù pin tù’ zin tu là, mbà pin nsi tse kwà’ zin tu. Yohané 8:36.

Baraba nà’ mb’a tà’ mènkebwò mbèn mb’a tà’ ngazwimèn ndù ntshù’ lo bëtte mbe po zwi i. A lo pe ndù po à’ kwim’t’é num fantà’tù, là Yésu lo kwù num tu i, nket fantà’tù ze Baraba nà’ mbe ndù à’ kwù bwe là. Yésu z’a pe Mèn Nsi là, po lo kwim’t’é num fantà’tù num tu Baraba, mbà num tu pin mbà num tu àm. Po lo kag ngazwimèn, a tse ze tu nummbe mo’ mèn wà lo kwù vù se. Wù mbà me p’a Baraba. Nkàpfà’ (ntsho’fà’) nukebwò pe a vùkob, là ju kondèn Nsi pe yòg matmat njam Kristò Yésu Tshùaben pen.” (Pàròmà 6:23). A pe ze pin lo’ pamntù ndòte fantà’tù Kristò là, mbà pin nsi yen mbà zin tu wut pe là bèn yen mbà po kwimte nukebwò tsin num fantà’tù là. Yésu lo lo’ zin dù’ num fantà’tù ndù pin tshùa bwe njòg yôn ntshù’. A lo fètte lem tse num ne lo’ ndagte nukebwò tsin yi. “Nummbe Nsi lo kò njù neshu kà mfà nkwi Mèn i ntshù’ ndù mbà we lo z’a pam i là, k’a

pi, là ndù a ghù yôg matmat.” (Yohané 3:16).

Ndùse màbwengub mfen nà' nju' men ntshob li là, a bam Yésu Kristô poa njôn ngô ntù i fa, mfà ntù i Mèntùn z'a nà' nkwù num fantà'tù num tu i mbèn mfètte lem tse tse tanjôn num ne lo' ndànte njôn nukewô fa ntù i là. A lo fà ntù i z'a dun à pe nukewô là Nsi, Tshùaben bèn mfà ntù nswe yi mbèn nañ ywèt tse tse nelàn ntùm bwe. A lo ke lagte à ndà' nukewô tse, l'a lo kwé i bu mbà' nukewô z'a nà' nke ntô i là. Fe ngu'njù yàme yôg se be mebô, ndàne, mbèn nke ntshù ntsho nukewô. A ke' bèn nu ndu' bia, ke bèn nke nu ndebà', ke bèn nke mfit tse ndebà' mbà ne file. A num njôg yôg nelàne mbèn mb'a tà' ngakwénta z'a num nké' nkà' nu nenùn nà. Nke ndà'te mbe: “A pe ze mèn pe num Kristô là, mb'a p'a mèn nswe; njwèn nu tôg, tshù njôn nu fa tù' tse nswe.” (2 Pàkòrintô 5:17).

Wù ngasiañ ze tanjôn, mbà wù yu ku'ni ne tswe yu tu njam pamntù num Yésu Kristô. Tshùaben Yésu tshob ndù: “Pin se' me njôn zin fa tse pin pole, mbèn nket lèt là, tu wul àm m'à' fà fite pin.” (Matio 11:28). Pin se' ntèt Yésu mbà pin pe là mbà yà lo dù' ze pin pe là. Pin lo' njôn nu fa z'a tshù zin nà nèn ntèl i yi. A ke nsi tà' zin, a pe ze pin kù'te nse' mbañ i poa ntù tsin ts'a pe'te là, mbèn ndo' wut zin nsi nke mbam i là. Tu wul i tshob ndù: “Mèn z'a se' me là, mbà me ke nsi mà' i njù.” (Yohané 6:37). O ku'ni ne pe tà' ngandà Nsi ntùm ngu'njù yàme, là ndù nukewô kul o. Se' ntèt Yésu. A nsi ghù o tswe yu tu pe kwà' ndónni ndañdañ mb'a nà' njate ngankin mbà mfúmyag là. Yésu bèn mb'a pe mal i ndù a bèn nku'ni ne yate ntù mèn z'a pe'te là mbèn ngù ngandátsha tum kwàn ntswe ze tu. “Yi z'a pe ndagte njôn nukewô fa là, yi z'a pe njate njôn ngokèt tsho fa là.” (Yobkwi 103:3).

Ndùse pin nsi fà ntù tsin Yésu là, a bwô ne sôn Mèntùn z'a tshu' zin nà tsemo' penntùn. Mbà pag yag kô ne ju' fôn sine.

J.R. Gschwend.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)